

副總統鈞鑒敬呈者日前叩謁仰承

關注殷拳莫名感激此次新督楊增新又以疏勒縣張知事  
憑空構論一函且加以提倡國民黨與哥老會聯為一氣等語  
極意構陷奉

大總統諭飭陸軍部澈查具覆續緒正具呈申訴乃聞

政事堂有飭甘肅都督查辦之信仰見

政府慎重斯案之至意欽感實深第念續緒因案拖累七越月  
於茲矣再俟甘督查覆至京則案之終結尚不知延至何日况甘

新為密通隣封在甘督固秉正不阿或於派往調查之員瞻顧  
僚屬庇護其間則大錯鑄成屆時愛我如

公欲為昭雪覆盆亦覺多此一重障礙查續緒前在新疆凡取  
締黨會懲辦會匪歷經電陳國務院有案可稽故於此次訴辦  
將電逐一抄錄附呈詎有提倡黨匪之人又復一再呈請解散之理  
不辯自明敢乞我

公主持其際轉商

國務卿徐公可否由政事堂飭陸軍部檢查從前續緒電陳各案

秉公核辦以釋久累設或以其間不盡可憑即懇由  
政府派員密往新省澈查庶使案無遁飾而虛實得以自明  
則感戴

鴻施曷有既極臨穎不勝迫切悚惶之至專肅恭叩  
崇安伏維

垂鑒 楊纘緒 謹呈

敬再呈者竊 續緒辯訴呈文於今日送呈

大總統府政事堂轉呈

大總統鑒核尚乞我

公轉商

國務卿徐公請將此案即由 政事堂呈請

大總統批令取消或仍飭陸軍部判結俾 緒得以早釋訟累不勝

感禱再肅敬叩

鈞 綏

楊續緒 謹再呈

六月初三日